



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1514375

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

27 հոկտեմբերի 2021թ.

Բ. Երևան

(կազմման վայրը)

Ակտի հասցեատեր

«ՎԻՆԵԿԱ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	2	5	7	6	6	4	1
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Ք. Երևան, Տերյան փ. 83շ. 45բն.

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 06.10.2021թ-ի թիվ 1514375 որոշման համաձայն «Վինեկա» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 08.10.2021թ-ին ժամը 12:30-ի սահմաններում, «Քաջ-Տրանս» ՍՊԸ-ի (ՀՎՀՀ՝ 04420954) աշխատակից Սլավիկ Ասլանյանի (բնակվող՝ Արմավիրի մ. գ. Սարդարապատ 23 8բ տուն) կողմից շահագործվող «SCANIA» մակնիշի 005 DD 75 հաշվառման համարանիշի ավտոմեքենան գտնվել է «Վինեկա» ՍՊԸ-ի Արմավիրի մ. գ. Մարգարա հասցեում գործող ավագի արտադրամասում և բեռնել է՝ ընդամենը 69.600 ՀՀ դրամ արժեքով՝ 24 մ³ 10-15մմ չափսերի խիճ: 08.10.2021թ-ին ժամը 12:40-ին նշված ավտոմեքենան դուրս է եկել արտադրամասից և կայանել է Վարդաշեն գյուղի սկզբնամասում: ՕՀՄ-ի ընթացքում պարզվել է նաև «Վինեկա» ՍՊԸ-ի կողմից առանց համապատասխան ուղեկցող փաստաթղթերի մատակարարված 69.600 ՀՀ դրամ արժեքով 24 մ³ 10-15մմ չափսերի խիճը տեղափոխվում էր «Կապավոր» ՍՊԸ-ին (ՀՎՀՀ՝ 90003442) պատկանող՝ Բ. Երևան, Շիրակի 47 հասցե:

ՕՀՄ-ի ընթացքում Սլավիկ Ասլանյանը նշված բեռի համար ներկայացրել է ներքին հաշվառման փաստաթուղթ՝ տեղափոխման բեռնագիր թղթային տարբերակով՝ 08.10.2021թ-ի ձեռքով լրացված:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 69.600 ՀՀ դրամ արժողությամբ ապրանքների մատակարարման համար հարկ վճարողի կողմից 08.10.2021թ-ին ժամը 12:40-ի դրությամբ դուրս գրված չի եղել համապատասխան ուղեկցող փաստաթուղթ:

Ընկերության կողմից վերոնշյալ մատակարարման համար ուշացումով՝ 08.10.2021թ-ին ժամը 14:35:12-ին դուրս է գրվել՝ Ա 4550721839 հարկային հաշիվը:

Վերոգրյալը հաստատվել է նաև ընկերության տնօրեն Ռաֆայել Կիրակոսյանի կողմից 08.10.2021թ-ին տրված գրավոր հայտարարությամբ:

Թիվ 1514375 արձանագրությամբ 08.10.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 19.10.2021թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «Վինեկա» ՍՊԸ-ի կողմից խախտումը վերջին 1 տարվա ընթացքում կատարվում է երկրորդ անգամ (ՀՀ ՊԵԿ իրավաբանական վարչության 25.12.2020թ. թիվ 1510533 վարչական ակտ): Ապրանքների ընդհանուր գումարը կազմում է 69.600 ՀՀ դրամ,

որի 100 տոկոսը կազմում է 69.600 ՀՀ դրամ, ուստի օրենսդրական պահանջից ելնելով «Վինեկա» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով

Որոշեցի

1. Հաշվարկել և «Վինեկա» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Դավիթ Գևորգյան

Ֆիզիկական անձի անունը, ազգանունը
(անհատ ձեռնարկավորող դեպքում՝ անհատ
ձեռնարկավորող նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաշվով առաքման դեպքում)



Ստորագրությունը

ընդամենը 3 էջ

2021թ.

Ստորագրությունը